

Broj: 01-08-08/2-30-2-1413/25

Datum: 13. 06. 2025

Na osnovu člana 10. stav 2. Zakona o matičnim knjigama ("Službene novine Federacije BiH", br. 37/12 i 80/14) i člana 4. stav 1. Pravilnika o postupku polaganja i sadržaju posebnog stručnog ispita za matičara („Službene novine Federacije BiH“, br. 83/14, 101/14, 32/17 i 48/23), federalni ministar unutrašnjih poslova **d o n o s i**

RJEŠENJE
O IMENOVANJU KOMISIJE ZA POLAGANJE POSEBNOG STRUČNOG ISPITA ZA
MATIČARA

I

Ovim rješenjem imenuje se Komisija za polaganje posebnog stručnog ispita za matičara (u daljnjem tekstu: Komisija) u sljedećem sastavu:

1. **SELMA BEGIĆ**, zaposlena u Federalnom ministarstvu unutrašnjih poslova - Federalnom ministarstvu unutarnjih poslova, stručni savjetnik za stručne i upravne poslove iz oblasti matičnih knjiga i ličnog imena, predsjednik Komisije i ispitivač za predmet Matične knjige;
2. **SAFET ŠATARA**, zaposlen u Federalnom ministarstvu unutrašnjih poslova - Federalnom ministarstvu unutarnjih poslova, šef Odsjeka u Odsjeku za državljanstvo i matične knjige, član Komisije i ispitivač za predmet Državljanstvo;
3. **SANJA LIMOV-MATOVIĆ**, zaposlena u Federalnom ministarstvu unutrašnjih poslova - Federalnom ministarstvu unutarnjih poslova, federalni inspektor za matične knjige, lično ime i državljanstvo, član Komisije i ispitivač za predmet Porodični odnosi i lično ime;
4. **ENES SALETOVIĆ**, zaposlen u Federalnom ministarstvu unutrašnjih poslova - Federalnom ministarstvu unutarnjih poslova, stručni savjetnik za vođenje Jedinственог centralnog matičnog registra, član Komisije i ispitivač za predmet Matični registar, upravni nadzor, JMB, zaštita ličnih podataka i kaznena odgovornost;
5. **MUHAMED FETIĆ**, zaposlen u Federalnom ministarstvu unutrašnjih poslova - Federalnom ministarstvu unutarnjih poslova, federalni inspektor za matične knjige, lično ime i državljanstvo, član Komisije i ispitivač za predmet Upravni postupak;
6. **AMINA DURAN**, zaposlena u Federalnom ministarstvu unutrašnjih poslova - Federalnom ministarstvu unutarnjih poslova, viši stručni saradnik za pitanja iz oblasti državljanstva, sekretar Komisije.



Za zamjenika predsjednika Komisije i zamjenike članova Komisije iz stava 1. ove tačke imenuju se:

1. **EMINA PLEH**, zaposlena u Federalnom ministarstvu unutrašnjih poslova - Federalnom ministarstvu unutarnjih poslova, stručni savjetnik za poslove upravnog rješavanja iz oblasti državljanstva po osnovu naturalizacije, zamjenik predsjednika Komisije i zamjenik ispitivača za predmet Matične knjige;
2. **ADI DŽAMALIJA**, zaposlen u Federalnom ministarstvu unutrašnjih poslova - Federalnom ministarstvu unutarnjih poslova, viši stručni saradnik za pitanja iz oblasti državljanstva, zamjenik člana Komisije i zamjenik ispitivača za predmet Državljanstvo;
3. **SAMIR ČOLAK**, zaposlen u Federalnom ministarstvu unutrašnjih poslova - Federalnom ministarstvu unutarnjih poslova, Šef Odsjeka u Odsjeku za normativno-pravne poslove, zamjenik člana Komisije i zamjenik ispitivača za predmet Porodični odnosi i lično ime;
4. **AMRA POLIMAC**, zaposlena u Federalnom ministarstvu unutrašnjih poslova - Federalnom ministarstvu unutarnjih poslova, stručni savjetnik za vođenje Jedinstvenog centralnog matičnog registra, zamjenica člana Komisije i zamjenica ispitivača za predmet Matični registar, upravni nadzor, JMB, zaštita ličnih podataka i kaznena odgovornost;
5. **AJLA MALKOČ-MUSTAFIĆ**, zaposlena u Federalnom ministarstvu unutrašnjih poslova - Federalnom ministarstvu unutarnjih poslova, stručni savjetnik za poslove upravnog rješavanja iz oblasti državljanstva po osnovu naturalizacije, zamjenica člana Komisije i zamjenica ispitivača za predmet Upravni postupak.

II

Zadatak Komisije iz tačke I ovog rješenja je da organizuje i provede polaganje posebnog stručnog ispita za matičara u skladu sa Pravilnikom o postupku polaganja i sadržaju posebnog stručnog ispita za matičara („Službene novine Federacije BiH“, br. 83/14, 101/14, 32/17 i 48/23).

Zadatak sekretara Komisije je da za potrebe Komisije obavlja stručne i administrativno-tehničke i druge poslove koji su utvrđeni u članu 7. Pravilnika o postupku polaganja i sadržaju posebnog stručnog ispita za matičara.

III

Predsjednik Komisije, odnosno zamjenik predsjednika Komisije će mjesečno dostaviti izvještaj o radu Komisije federalnom ministru unutrašnjih poslova.

IV

Predsjedniku Komisije, zamjeniku predsjednika Komisije, članovima Komisije, zamjenicima članova Komisije i sekretaru Komisije pripada pravo na naknadu za rad u Komisiji u skladu s Odlukom Vlade Federacije Bosne i Hercegovine o utvrđivanju troškova polaganja posebnog stručnog ispita za matičara, V. broj: 1974/2014 od 6. 11. 2014. godine i V. broj: 1710/2022 od 24. 11. 2022. godine („Službene novine FBiH“, br. 93/14 i 95/22) i Procedurama o načinu rada i kriterijima za utvrđivanje visine naknada za rad radnih tijela, broj: 01-379 od 10. 9. 2015. godine, od 17. 6. 2016. godine, od 28. 11. 2016. godine, broj: 01-07-07/2-02-2-41 od 23. 5. 2017. godine, broj: 01-07-07/2-02-2-41/17 od 29. 4. 2019. godine, od 1. 12. 2022. godine, od 16. 8. 2023. i od 19. 2. 2024. godine.

Naknada predsjedniku Komisije, zamjeniku predsjednika Komisije, članovima Komisije, zamjenicima članova Komisije i sekretaru Komisije obračunava se i isplaćuje mjesečno na osnovu posebnog rješenja za svakog člana Komisije kojim će se utvrditi iznos naknade za izvršene poslove iz tačke II ovog rješenja, nakon što predsjednik, odnosno zamjenik predsjednika Komisije dostavi izvještaj iz tačke III ovog rješenja.

Predsjednik Komisije, zamjenik predsjednika Komisije, članovi Komisije, zamjenici članova Komisije i sekretar Komisije ostvaruju naknadu iz stava 1. ove tačke pod uvjetom da su poslove i zadatke iz tačke II ovog rješenja obavljali izvan redovnog radnog vremena.

V

Protiv ovog rješenja može se podnijeti prigovor federalnom ministru unutrašnjih poslova u roku od osam dana od dana prijema rješenja.

VI

Komisija iz tačke I ovog rješenja imenuje se na period od dvije godine.

VII

Ovo rješenje stupa na snagu danom donošenja, a primjenjuje se od 5. 7. 2025. godine i objavit će se u „Službenim novinama Federacije BiH“.

